



Notat

Til
Kopi til:

Saksbehandlar: Kommunedirektør/Åse Elin Myking
Vår referanse: 19/66 - 21/8963
Dato: 28.09.2021

Emne: Vilkårsrevisjonar - løypemelding til orientering

Status pr 28.september

På bakgrunn av mottatte krav bad NVE kommunen ta stilling til revisjon av vilkår knytt til konsesjonar i fleire vassdrag i kommunen. Kommunen utgreidde saka og i 2019 vedtok kommunestyret å sende krav om revisjon av konsesjonsvilkåra, såkalla vilkårsrevisjon.

Regulanten (BKK) fekk kommunen sine krav til uttale og rådde frå revisjon av vilkåra. NVE gjorde seinare vedtak om oppstart av revisjonar i tre vassdrag, med tilhøyrande sidevassdrag, i Vaksdal kommune eller i vårt nedslagsfelt:

- Vilkårsrevisjon for Bergsdalsvassdraget og Torfinnsvassdraget
- Vilkårsrevisjon for Evanger kraftverk – Eksingedals- og Teigdalsvassdraget
- Vilkårsrevisjon for Steinsdals-/Modalsvassdraget

Regulanten fekk i oppdrag å utarbeide revisjonsdokument. I sommar fekk vi tilsendt revisjonsdokumenta i form av tre store rapportar. Regulanten aviser alle krav som gjeld endringar av manøvreringsreglementet (minstevassføring og magasinrestriksjonar), samtidig som regulanten sjølv ønsker større reguleringsmogelegheit, og foreslår f.eks. å senke sommarvasstanden med 2 meter.

Regulanten aviser også alle andre krav som kommunen har sett ved å vise til standardvilkår/standard naturforvaltningsvilkår i konsesjonen. Standardvilkår er viktige rettslege verktøy i kvar vassdragsreguleringssak, og det følger av OEDs retningslinjer om revisjonssaker frå 2012 at «*Ved samtlige framtidige revisjoner vil de til enhver tid gjeldende standardvilkårene bli innført*».

Slike standardvilkår har sin viktigaste funksjon mellom dei enkelte revisjonsintervallar, der det kan oppstå forhold eller erfaring som tilseier enkelte endringar i konsesjonsvilkåra, for eksempel om tersklar, andre fysiske innretningar, kulturminne e.l. Standardvilkåra er derimot ikkje meint å erstatta ein revisjonsprosess eller redusere omfanget av revisjonsprosessar.

NVE sette høyringsfristen til 1.nov.2021. Kommunen har søkt og fått innvilga utvida frist til 1.februar 2022.

Ein kommune har normalt ingen faglege føresetnader for å etterprøve regulanten standpunkt til drift av magasinet. For å kunne vurdere dette, kan det derfor være nødvendig at kommunen innhentar råd, for eksempel frå ein hydrolog.

I slike saker har kommunen krav på å få dekket nødvendige kostnader til sakkyndig bistand for kommunen, jf. vassdragsreguleringsloven § 13. Kommunen har vurdert at det er behov for å hente inn både fagleg og juridisk kompetanse i desse viktige sakene. Me har engasjert advokatfirmaet Lund & Co DA (sekretariat LVK) til å bistå kommunen i arbeidet med høyringsuttale til NVE. Anna nødvendig kompetanse vert henta fortløpande ved behov.

Arbeidet med revisjonane er krevjande og det er oppretta ei arbeidsgruppe internt som vil arbeide med dette utover hausten og fram mot behandling i kommunestyret på nyåret.

På bakgrunn av rapportane frå regulanten har seniorrådgjevar Eirik Haga utarbeida ei kortfatta oversikt som er lagt ved her

- Vilkårsrevisjon for Bergsdalsvassdraget og Torfinnsvassdraget og
- Vilkårsrevisjon for Evanger kraftverk – Eksingedals- og Teigdalsvassdraget

Fullstendige revisjonsdokument finn de på <https://www.nve.no/konsesjon/konsesjonssaker/>

Med helsing

Åse Elin Myking